


卷之三



會進詩  
十集  
不  
本

會昌進士詩集



太學博士馬



戴



虞臣



春思

初日照楊柳玉樓含翠陰啼春獨鳥思望遠佳人  
心幽怨貯瑤瑟韶光凝碧林所思曾不見芳草  
意空深

送從叔赴南海幕

洞庭秋色起哀狔更難聞身往海邊郡帆懸天  
際雲炎州羅翠鳥瘴嶺控蠻軍信息來非易堪

悲此路分

江行留別

吳楚半秋色渡江逢葦花雲侵帆影盡一作風  
遍鴈行斜返照開嵐翠寒潮蕩浦沙余將何所  
往海嶠擬營家

將別寄友人

帝鄉歸未得辛苦事羈遊別館一罇酒客程千  
里秋霜風紅葉寺夜雨白蘋洲長恐此時淚不  
禁和恨流

客行

路歧長不盡客恨杳難通蘆荻晚汀雨柳花南  
浦風亂鍾嘶馬急殘日半帆紅却羨漁樵侶閑  
歌落照中

過野叟居

野人閑種樹樹老野人前居止白雲內漁樵滄  
海邊呼兒採山藥放犢飲溪泉自著養生論無  
煩憂暮年

荅光州王使君

信來淮上郡楚岫入秦雲自顧爲儒者何由答  
使君蛻風蟬乍失阻雨鴈頻聞欲識平生分他  
時別紀勳

下第再過崔邵陽居

豈無故鄉路路遠未成歸關內相知少海邊來  
信稀離雲空石穴芳草偃郊扉謝子一留宿此  
心聊息機

夕次淮口

天涯秋光盡木末群鳥還夜久遊子息月明岐

路閑風生淮水上帆落楚雲間此意竟誰見行  
行非故關

落日悵望

孤雲與歸鳥千里岸時間念我一何滯辭家久  
未還微陽下喬木遠色隱秋山臨水不敢照恐  
驚平昔顏

早發故山作

雲門夾峭石石路蔭長松谷響猿相應山深水  
復重餐霞人不見已作採藥客猶逢獨宿靈潭

側時聞岳頂鐘

下第別部扶

窮途別故人京洛泣風塵在世即應老他鄉又  
欲春平生空志學晚歲節一作拙謀身靜話歸休  
計唯將海上親

寄終南真空禪師

閑想白雲外了然清淨僧松門山半寺夜雨佛  
前燈此境可長住浮生自不能一從林下別瀑  
布幾成冰

長安贈賈島

歲暮見華髮平生志半空孤雲不我棄歸隱與  
誰同枉道紫宸謁妨裁丹桂叢何如隨野鹿棲  
止石嵒中

秋郊夕望

度鳥向棲急陰虫逢夜多餘霞媚秋漢迴日濯  
滄波蔓草將萎絕流年其柰何耿耿搖落思獨  
酌不成歌

贈越客

故國波濤隔明時已久留獻書雙闕晚看月五  
陵秋南棹何時返長江憶共遊遙知釣船畔相  
望在汀洲

送顧非熊下第歸江南

無成西別秦返駕江南春草際楚田鴈舟中吳  
苑人殘雲掛絕島迴樹入通津想到長洲日門  
前多白蘋

沂上勸舊友

斗酒故人同長歌起北風斜陽高壘閉秋角暮

山空鴈叫寒流上螢飛薄淡一作霧中坐來生作  
憂白髮况復久從戎

送狄叅軍赴杭州

新官非次受聖主寵前勳關雪發車晚風濤挂  
席聞海門山疊翠湖岸郡藏雲執簡從公後髯  
叅豈勝君

過故人所遷新居

金馬詔何晚茂陵居近修客來雲雨散鳥下梧  
桐秋迴漢銜天闕遙泉響御溝坐看涼月上爲

子一淹留

落照

照曜天山外飛鴉幾共過微紅拂秋漢片白透  
長波影促寒汀薄光殘古木多金霞與雲氣散  
漫復相和

宿崔邵池陽別墅

楊柳色已改郊原日復低煙生寒渚上霞散亂  
山西亂流作霧薄待月人相對驚風鴈不齊此心  
君莫問舊國去將迷

楚江懷古三首

露氣寒光集微陽下楚丘猿啼洞庭樹人在木  
蘭舟廣澤生明月蒼山夾亂流雲中君不降作  
見竟夕自悲秋

驚鳥去無際寒蛩鳴我傍蘆洲生早霧蘭隰下  
微霜列宿分窮野空流注大荒看山候明月聊  
自整雲裝

野風吹蕙帶驟雨滴蘭橈屈宋魂冥冥江山思  
寂寥陰霓侵晚一作景海樹入迴潮欲折寒芳

薦明神詎可招

遠水

蕩漾空沙際  
虛明入遠天  
秋光照不極  
鳥影去無邊  
勢引長雲斷  
波輕凝一作片雪連  
汀洲杳難到  
萬古覆蒼煙

夕發邠寧寄從弟

半酣走馬別  
別後鎖邊城  
日落月上鳥棲人  
獨行方馳故國戀  
復愴長年情  
入夜不能息  
何當閑此生

贈別北客

君生游俠地  
感激氣何高  
飲盡玉壺酒  
贈留金錯刀  
鴈關飛霰雪  
鯨海落雲濤  
決去如征鳥  
離心空自勞

夜下湘中

洞庭人夜別  
孤棹下湘中  
露洗寒山遍  
波搖楚月空  
密林飛暗狖  
廣澤發鳴鴻  
行值揚帆者  
江分又不同

送呂郎中牧東海郡

假道經淮泗檣鳥集隼旗蕪城沙茨接波島石  
林踈海鶴空庭下夷人遠岸居山鄉足一作遺  
老佇聽薦賢書

山行偶作

緣危路忽窮投宿值樵翁鳥下山含暝蟬鳴露  
滴空石門斜月入雲竇暗泉通寂寞生幽思心  
疑舊隱同

巴江夜猿

日飲巴江水還啼巴岸邊秋聲巫峽斷夜影楚

雲連露滴青楓樹山空明月天誰知泊船者聽  
此不能眠

送田使君牧蔡州

主意思政一作理牧人官不輕樹多淮右地山  
遠汝南城望稼周田隔登樓楚月生懸知蔣亭  
下渚鶴伴閑行

崔臺怨

魏宮歌舞地蝶戲鳥還鳴玉座人難到銅臺雨  
滴平西陵樹不見漳浦草空生萬恨盡埋此徒

懸千載名

早發故園

語別在中夜登車離故鄉曙鍾寒出岳寺一作殘  
月迴凝霜風柳條多折沙雲氣盡黃行逢海西  
鴈零落不成行

贈別江客

湘中有岑穴君去掛帆過露細蒹葭廣潮迴島  
嶼多汀洲延夕照楓葉墜寒波應使同漁者生  
涯許釣歌

宿翠微寺

處：松陰滿樵開一逕通鳥歸雲壑靜僧語石  
樓空積翠含微月遙泉韻細風經行心不厭憶  
在故山中

霽後寄白閣僧

蒼翠靈高雪西峯鳥外看久披山衲壞孤坐石  
床寒盥手水泉滴燃燈夜燒殘終期老雲嶠煮  
藥伴中餐

送僧歸金山寺

金陵山江一作色裏蟬急向秋分迴寺橫洲島歸  
僧渡水雲夕陽依岸盡落一作清磬隔潮聞遙想  
禪林下鑪香帶月焚

新秋雨霽宿王處士東郊

夕陽逢一雨夜木洗清陰露氣竹窓靜秋光雲  
月深煎嘗靈藥味話及故山心得意兩不寐微  
風生玉琴

關山曲

金甲耀兜鍪黃金拂紫騮叛羌旗下戮陷壁夜

中收霜霰戎衣故關河磧氣秋箭瘡殊未合更  
遣在蘭州

又

火發龍山北中宵易左賢勒兵臨漢水驚鴈散  
胡天木落防河急軍孤受敵偏猶聞漢皇怒按  
劍待開邊

塞下曲

旌旗倒北風霜霰逐南鴻夜救龍城急朝焚虜  
帳空骨銷金鏃在鬢改玉關中却想羲軒氏無

人尚戰功

又

廣漠雲凝慘日斜飛霰生燒山搜猛獸伏道擊  
迴兵風折旗竿曲沙埋樹杪平黃雲飛旦夕偏  
奏苦寒聲

廣陵曲

葱蘢桂樹枝高擊黃金羈葉隱青蛾翠花飄白  
玉墀上鳴間關鳥下醉遊俠兒煬帝國已破此  
中都不知

送人遊蜀

別離楊柳陌迢遞蜀門行若聽清猿後應多白  
髮生虹蜺侵棧道風雨雜江聲過盡愁人處煙  
花是錦城

宿無可上人房

稀逢息心侶細話遠山期河漢秋深夜杉梧露  
滴時風傳林磬響月掩草堂遲坐卧禪心在浮  
生皆不知

旅次夏州

嘶鴻發相續行次夏王臺鎖郡雲陰莫鳴笳燒  
色來霜繁邊上宿鬢改磧中迴悵望胡沙曉驚  
蓬朔吹催

同莊秀才宿鎮星觀

的々星河落霑苔復灑松濕光微泛草石翠澹  
搖峯野觀雲和月秋城漏間鐘知君親此境九  
陌少相逢

鶴雀樓晴望

堯女樓西望人懷太古時海波通禹鑿一作山

木閉虞祠鳥道殘虹掛龍潭返照移行雲如可  
馭萬里赴心期

贈淮南將

何事淮南將功高業未成風濤辭海郡雷雨鎮  
山營度磧黃雲起防秋白髮生密機會制敵憂  
國更論兵塞色侵旗動寒光鎖甲明自憐心有  
作獨立望專征

寄賈島

海上不同來關中俱久住尋思別山日老盡經

行樹志業人未聞時光鳥空度風悲漢苑愁雨  
滴秦城暮佩玉與鏘金非親亦非故朱顏枉自  
毀明代空相遇歲晏各能歸心知舊岐路

湘川弔舜

伊予生好古弔舜蒼梧間白日生將沒游波凝  
不還九疑雲動影曠野竹成斑鴈集蕙葭渚猿  
啼霧露山南風吹早恨瑤瑟怨長閑元化誰能  
問天門恨久闕

送僧歸閩中舊寺

寺隔海山遙帆前落葉飄斷猿通楚塞驚鷺出  
蘭橈星月禪波島煙蘿渡石橋鍾聲催野飯秋  
色落寒潮舊社人多老閑房樹半凋空林容病  
士者作歲晚待相招

寄遠

坐想親愛遠行嗟天地闊積疹甘毀顏沉憂更  
銷骨迢迢游子心望歸雲沒喬木非故里高  
樓共明月夜深秋風多聞鴈來天末  
經咸陽北原

秦山曾共轉秦雲自舒卷古來爭雄圖到此多  
不返野狃穴孤墳農人耕廢苑川長波又逝日  
與歲俱晚夜入咸陽中悲吞不能飯

冬日寄洛中楊少尹

黃河岸柳衰城下度流澌年長從公懶天寒入  
府遲家山望幾遍魏闕赴何時懷古心誰識應  
多謁舜祠

浙江夜宿

落帆人更起露草滿汀洲遠狃啼荒嶠孤螢溺

漫流積陰開片月爽氣集高秋去々胡爲戀寒  
芳時一游

寄西岳白石僧

挂錫中峯樹經行踏石梯雲房出定後岳月在  
池西峭壁殘霞照欹松積雪齊年々着山屐曾  
得到招提

同州冬日陪吳常侍閑宴

中天白雲散集客郡齋時陶性聊飛爵看山忽  
罷碁雪花凝始散木葉脫無遺靜理良多暇招

邀愜所思

荅廊時友同宿見示

為客自堪悲風塵日滿衣承明無計入舊隱但  
懷歸雪積孤城暗燈殘曉角微相逢喜同宿此  
地故人稀

題僧禪院

虛室焚香久禪心悟幾生瀘泉侵月起掃徑避  
蟲行樹隔前朝在苔滋廢渚平我來風雨夜像  
設照作一燈明

懷故山寄賈島

心偶美明代學詩觀國風自從來闕下未勝在  
山中丹桂日應老白雲居久空誰能謝時去聊  
與此生同

灞上秋居

灞原風雨定晚見鴈行頻落葉他鄉樹寒燈獨  
夜人空園白露滴孤壁野僧隣寄卧郊扉久何  
門致此身

寄崇德里居作

掃君園林地澤我清涼襟高烏雲路晚孤蟬揚  
柳深風微漢宮漏月迴秦城砧光景坐如此徒  
懷經濟心

河梁別

河梁送別者行哭半非親此路足征客胡天多  
殺人金壘照離思寶瑟凝殘春早晚期相見垂  
楊凋復新

留別定襄盧軍事

行：與君別路在鴈門西秋色見邊草軍聲聞

戎鼙酣歌擊寶劔躍馬上金堤歸去咸陽里平  
生志不迷

送杜秀才東遊

羈遊年復長去日值秋殘草出函關白雲藏野  
渡寒鴻多霜雪重山廣道途難心事何人識斗  
牛應數看

懷黃頗

有客南浮去平生與我同炎州結遙思芳杜採  
應空秦鴈歸侵月湘猿戲裊楓期君翼明代未

可戀山中

隴上獨望

斜日掛邊樹蕭蕭，獨望間陰雲藏漢壘。飛火照胡山，隴首行人絕。河源夕鳥還，誰爲立勳者可惜寶刀閑。

長安書懷

歧路今如此，還堪慟哭頻。關中成久客，海上老諸親。谷口田應廢，鄉山草又春。銷壯志空作獻書人。

邯鄲驛樓作

蕪沒叢臺久，清漳廢御溝。蟬鳴河外樹，人在驛西樓。雲燒天中赤，山當日落秋。近郊經戰後，處處骨成丘。

別家後次飛狐西即事

遠歸從此別親愛，失天涯去國頻。迴首方秋不在家，鳴蛩聞塞路。冷鴈背龍沙，西次桑乾曲。洲中見荻花。

題青龍寺鏡公房

一室意何有開門爲我開爐香寒自滅履雪飯  
初迴窻迴孤山入燈殘片月來禪心方此地不  
必訪天台

邊城獨望

聊憑危堞望倍起異鄉情霜落蒹葭白山昏霧  
露生河灘胡鴈下戍壘漢顰驚獨樹殘秋色狂  
歌淚滿纓

江亭贈別

長亭晚送君秋色渡江濱  
衰柳風難定寒濤雪

不分猿聲離楚峽帆影入湘雲  
獨泛扁舟夜山鍾可卧聞

旅次寄賈島兼簡無可上人

相思邊草長迴望水連空  
鴈過當行次蟬鳴復客中  
壯年者即改羸病計多同  
儻宿林中寺深憑問遠公

寄剡中友人

故人今在剡秋草意如何  
嶺暮雲霞雜潮迴島嶼多  
沃洲僧幾訪天姥客誰過  
歲晚偏相憶風

生隔楚波

送國子韋丞

臨水獨相送歸期千里間  
雲迴逢過雨路轉入連山  
一騎行芳草新蟬發故關  
遙聆茂陵下夜啓竹扉閑

題吳發原南居

閑居誰厭僻門掩漢祠前  
山色夏雲映樹陰幽草連  
晴光分渚曲綠氣冒原田  
何日遠遊罷高枝已噪蟬

雒中寒夜姚侍御宅懷賈島

夜木動寒色雒陽城闕深  
如何異鄉思更抱故人心  
微月闕山遠閑堦霜霰侵  
誰知石門路待與子同尋

征婦歎

稚子在我抱送君登遠道  
稚子今已行念君上邊城  
蓬根既無定蓬子焉用生  
但見請防胡不聞言罷兵  
及老能得歸少者還長征

山中寄姚合員外

朝與城闕別暮同麋鹿歸鳥鳴松觀靜人過石  
橋稀木葉搖山翠泉痕入澗扉敢招仙署客暫  
此拂朝衣

中秋月

陰魄出海上海望之增苦吟冷搜驪頷重寒徹蚌  
胎深皓氣籠諸夏清光射萬岑悠然天地內皎  
絜一般心

下第寄友人

金門君待問石室我思歸聖主尊黃屋何人薦

白衣年來御溝柳贈別雨霏霏

寄廣州楊參軍

南方春景好念子緩歸心身方脫野服冠未繫  
朝簪足恣平生賞無虞外役侵汀洲觀鳥戲向  
月和猿吟稅駕楚山廣揚帆湘水深採奇搜石  
穴懷勝即楓林悵望極霞際流情墮海陰前期  
杳難問歎息灑鳴琴

離夜

東征遼水迴北近單于臺戎衣挂寶劍玉節銜

金盃紅燭暗將滅翠蛾終不開

又

凝夜照離色恐聞啼晚鴉前年營鴈塞明月成  
龍沙曾與五陵子休裝孤劍花

荅太原從軍楊員外送別

君將海月珮贈之光我行見知言不淺懷報意  
非輕反照臨岐思中年未達情河梁人送別秋  
漢鴈相鳴衰柳搖邊吹寒雲冒古城西遊還獻  
賦應許託平生

送從叔重赴海南從事

又從連帥請還作嶺南行窮海何時到孤帆累  
月程亂蟬吟暮色哀猿落秋聲晚路潮波起寒  
葭霧雨生沙埋銅柱沒山簇瘴雲平念此別離  
苦其如宗從情

送韓校書江西從事

出關寒色盡雲夢草生新鴈背岳陽雨客行江  
上春遙程隨水闊枉路倒帆頻夕照臨孤館朝  
霞發廣津湖山潮半隔郡壁岸斜隣自此鍾陵

道裁書相思作有故人

送顧少府之永康

婺女星邊去春生即有花寒關雲復雪古渡草  
連沙宿次吳江晚行侵日微斜官傳梅福政縣  
顧赤松家燒起明山翠潮迴動海霞清高宜閱  
此莫歎近天涯

幽上留別令狐侍御

自別丘山隱頻年哭路岐辛勤今若是少壯豈  
多時露滴陰虫苦秋聲遠客悲晚營嚴鼓角紅

葉拂旌旗北闕虛延望西林久見思川流寒水  
急雲返故山遲落照遊人去長空獨鳥隨不堪  
風隔景忠寡相知

襄陽席上呈于司空

花枝臨水復臨堤也照清江也照泥寄語東君  
好擡舉夜來曾伴鳳皇棲

宿裴氏谿居懷厲玄先輩

樹下孤石坐草間微有霜同人不同北雲鳥自  
南翔迢遞夜山色清冷泉月光西風耿離抱江

海遙相望

集宿姚殿中宅期僧無可不至

殿中日一作殿內相命開罇話舊時餘鍾催鳥絕

積雪阻僧期林靜寒光一作聲遠天陰曙色遲今

夕復何夕人去難追

宿賈島原居

寒鴈過原急渚遶秋色深煙霞向海島風雨宿

園林俱住明時願同懷故國心一作猶共一作許貧一作侵

未能先隱跡一作去聊一作閑此一相尋

贈別空公

雲門秋却入微徑久無人後夜中峯月空林百

衲身寂寥寒磬盡盪漱瀑泉新履跡誰相見一作

重見松風掃石塵

府試觀開元皇帝東封圖

儼若翠華舉登封圖乍開冕旒明主立冠劍侍

臣陪跡類飛仙去光同拜日來粉痕疑檢玉黛

色訝生苔挂壁雲將起陵風仗若迴何年復東

幸魯叟望悠哉

府試水始冰

南池寒色動北陸歲陰生薄、流澌聚灘、作  
微翠激平暗霑霜稍厚迴照日還輕孔竇懸殘  
滴湘流減恨聲即堪金井貯會映玉壺清潔白  
心雖識空期飲此明

邊館逢賀秀才

貧病無踈我與君不知何事久離群鹿裘共弊  
同為客龍闕將移擬獻文空館夕陽鴉繞樹荒  
城寒色鴈和雲不堪吟斷邊笳曉葉落東西客

又分

宿王屋天壇

星斗半沉蒼翠色紅霞遠照海濤分折松曉拂  
天壇雪投簡寒窺玉洞雲絕頂醮迴人不見深  
林磬度鳥應聞未知誰與傳金籙獨向僊祠拜  
老君

岐陽逢曲陽故人舊話

異地還相見平生分可知壯年俱欲暮往事盡  
堪悲道路頻艱阻親朋友別離解兵逃白刃謁

帝值明時淹疾生涯故因官事世一作業移鷄鳴  
關月落鴈度朔風吹客淚翻歧下鄉心落海湄  
積愁何計遣滿酌浣相思

贈禪僧

弟子人天遍童年在沃洲開禪山木長浣衲海  
沙秋振錫搖汀月持瓶接瀑流赤城何日上鄙  
願從師遊

題廬山寺

白茅為屋宇編荆數處堦墀石疊成東谷笑言

西谷響下方雲雨上方晴鼠驚樵客緣蒼壁猿  
戲山頭撼紫檉別有一條投澗水竹筒斜引入  
茶鐺

題石甕寺

僧室並皇宮雲門輦路同渭分雙北闕山迴五  
陵東修綆懸林表深泉汲洞中人煙窺垤蟻駕  
瓦拂冥鴻蘚壁松生峭龕燈月照空稀逢息心  
侶獨禮竺乾公

謁僊觀

我生來羽化齋沐造仙山一作居葛蔓沒汲一作丹  
井石函盛一作開道書寒松多偃側靈洞遍清虛  
一就泉西飲雲中採藥蔬

又

山空蕙氣香乳管折雲房願值壺中客親傳肘  
後方三更禮星斗寸匕服丹霜默坐樹陰下僊  
經橫石牀

送朴山人歸新羅

海一作東

浩渺行無極揚帆但信風雲山過海半鄉樹入

舟中波定遙天出沙平遠岸窮離心寄何處自  
斷曙霞東

題靜住寺欽用上人房

寺近朝天路多聞玉珮音鑿人開慧眼歸鳥息  
禪心磬接星河曙窓連夏木深此中能宴坐何  
必在雲林

贈楊先輩

平生閑放久野鹿許為群居止隣西岳軒窓度  
白雲齋心飯松子話道接茅君漢主思清淨休

書諫獵文

訓李景章先輩

平生詩句忝多同，不得陪君奉至公。  
金鑄自宜先中鵠，鉛刀甘且學雕蟲。  
鶯啼細柳臨關路，鷺接飛花遶漢宮。  
九陌芳菲人競賞，此時心在別離中。

贈祠部令狐郎中

官初執憲稱雄才，省轉為郎雅望催。  
待制松陰移玉殿，分宵露氣靜天臺。  
箕默向孤雲坐隨。

鶴閑窮片水，迴忽憶十年。  
相識日小儒，新自海邊來。

送冊東夷王使

越海傳金冊，華夷禮命行。  
片帆秋色動，萬里信潮生。  
日映孤舟出，沙連絕島明。  
翳空翻大鳥，飛雪灑噴一作長鯨。  
鬢迴應改遐荒夢，易驚何當理風檝。  
天外問來程。

送武陵王將軍

河外今無事，將軍有戰名。  
艱難長劔缺，功業少

年成曉仗親雲陛寒霄突禁宮朱旗身外色玉  
漏耳邊聲開閣談賓至調弓過鴈驚爲儒多不  
達見學請長纓

贈鄆縣尉李先輩

同人家鄆相杜見罷官時野坐苔生石荒居菊  
入籬聽蟬臨水久送鶴背山遲未擬還城闕溪  
僧別有期

又

休官不到闕求靜匪營他種藥唯愁晚看雲肯

厭多渚邊逢鷺下林表伴僧過閑檢仙方試松  
花酒自和

邊將

玉榼酒頻傾論功笑李陵紅韉跑駿馬金鏃掣  
秋鷹塞迴連天雪河深徹底冰誰言提一劔勤  
苦事中興

下第別令狐員外

論文期雨夜飲酒及芳晨坐歎百花發潛驚雙  
鬢新舊交多得路別業遠仍貧欲辭知己歸

耕海上春

送春坊董正字浙右歸覲

去覲一作毗陵日秋殘建業中  
莎垂石城古山  
關海門空灌木寒  
檣遠一作並層波皓月同  
何當復讎校春集少陽宮

送和北虜使

路始陰山北迢迢雨雪天  
長城人過少砂磧馬  
難前日入流沙際陰生瀚海邊  
刀鏗向月動旌  
纛冒霜懸逐獸孤圍合  
兵交一箭傳穹廬移斥

候冒一作擲烽火絕祁連漢將行  
持節胡兒坐控絃  
明妃的迴面南送使君旋

攄情留別并州從事

淺學長自鄙謬承賢達知才希  
漢主召玉任楚人疑年長慙漂泊  
恩深惜別離秋光獨鳥過暝色  
一蟬悲鶴髮生何速龍門上苦遲  
彫蟲羞朗鑒干祿貴明時故國誠  
難返青雲致未期空將感激淚一灑臨歧

酬田卿送西遊

華堂開翠簾惜別玉壺深客去當煩暑蟬鳴復  
此心廢城喬木在古道濁河侵莫慮西遊遠西  
關絕隴陰

雪中送青州薛評事

臘景不可犯從戎難自由憐君急王事走馬赴  
邊州岳雪明日觀海雲冒營丘慙無斗酒瀉敢  
望御重裘

哭京兆龐尹

神州喪賢尹父老泣關中未盡群生願纔留及

物功清光沉皎月素業振遺風履跡莓苔掩珂  
聲紫陌空從來受知者會葬漢陵東

路傍樹

古樹何人種清陰減昔時莓苔根半露風雨作  
雪節偏危蟲蠹心將穴蟬催葉向衰樵童不須  
剪聊起邵公思

送客南遊

擬卜何山隱高秋指岳陽葦乾雲夢色橘熟洞  
庭香踈雨殘虹影回雲背鳥行靈均如可問一

為哭清湘

寄襄陽王公子

君馬勒金羈君家貯玉筭白雲登峴首碧樹醉  
銅鞮澤廣荊州北山多漢水西鹿門知不隱芳  
草自萋々

集宿姚侍御宅懷永樂宰殷侍御

石田虞芮接種樹白雲陰穴閉神踪古河流禹  
鑿深樵人應滿郭僊鳥幾巢林此會偏相語曾  
供一作雪夜吟

易水懷古

荆卿西去不復返易水東流無盡期落日蕭條  
薊城北黃沙白草任風吹

送僧二首

親在平陽憶久歸洪河雨漲出關遲獨過舊寺  
人稀識一一杉松老別時

龕中破衲自持行樹下禪床坐一生來往白雲  
知歲久滿山猿鳥會經聲

贈友人邊游回

遊子新從絕塞回  
自言曾上李陵臺  
尊前語盡北風起  
秋色蕭條胡雁來

山中作

屐齒無泥竹策輕  
莓苔梯滑夜難行  
獨開石室松門裏  
月照前山空水聲

山塞詞

金帶連環束戰袍  
馬頭衝雪度臨洮  
卷旗夜劫單于帳  
亂斫胡兒缺寶刀

寄雲臺觀田秀才

雪壓松枝拂石窻  
幽人獨坐鶴成雙  
晚來漱齒敲冰渚  
閑讀仙書倚翠幢

邊上送楊侍御鞫獄回

獄成冤雪晚雲開  
多角威清塞鴈回  
飛將送迎遙避馬  
離亭不敢勸金杯

射鵰騎

蕃面將軍著鼠裘  
酣歌衝雪在邊州  
獵過黑山猶走馬  
寒鵰射落不回頭

高司馬移竹

叢居堂下幸君移翠掩燈窗露葉垂莫羨孤生  
在山者無人看著拂雲枝

贈前蔚州崔使君

戰回脫劍綰銅魚塞鴈迎風避隼旗欲識前時  
為郡政校成上下考新書

秋思二首

萬木秋霖後孤山夕照餘田園無歲計寒近憶  
樵漁

亭樹霜霰滿野塘鳧鳥多蕙蘭不可折楚老徒

悲歌

黃神谷紀事

霹靂振秋岳折松橫洞門雲龍忽變化但覺玉  
潭昏

過亡友墓

憶昨送君葬今看墳樹高尋思後期者只是益  
生勞

聞瀑布冰折

萬仞冰峭寒聲投白雲光搖山月墮絨向石床

聞

贈道者

深居白雲穴靜注赤松經  
往々龍潭上焚香禮  
斗星

華下逢楊侍御

巨靈掌上月玉女盆中泉  
柱史息車看孤雲心  
浩然

新春聞赦

道在猜讒息仁深疾苦除  
堯聰能下聽湯網本

來踈

送李侍御福建從事

晉安來越國蔓草故宮迷  
釣渚龍應在琴臺鶴  
亂栖泛濤明月廣邊海  
衆山齊賓府通蘭棹  
蠻僧接石梯片雲和瘴濕  
孤嶼映帆低上客多詩  
興秋猿足夜啼

酬刑部姚郎中

路歧人不見尚得記心中  
月憶瀟湘渚春生蘭  
杜叢鳥啼花半落人散爵  
方空所贈誠難荅冷

然一雅風

送柳秀才往連州省弟

離人非逆旅有弟謫連州楚雨霑猿暮湘雲拂  
鴈秋蒹葭行廣澤星月棹寒流何處江關鎖風  
濤阻客愁

晚眺有懷

點：抱離念曠懷成怨歌高臺試延望落照在  
寒波此地芳草歇舊山喬木多悠然暮天際但  
見鳥相過

山中興作

高：丹桂枝嫋：女蘿衣密葉浮雲幽陰暮

鳥歸月和風翠動花落瀑泉飛欲剪蘭為佩中  
林露未晞

送皇甫協律淮南從事

辟書丞相草招作廣陵行隋柳踈淮岸汀洲接  
海城楚檣經雨泊煙月隔潮生誰與同樽俎雞  
鸞集虎營

別靈武令狐校書

北風吹別思落月渡關河樹隱流沙短山平近  
塞多鴈池戎馬飲鴈帳戎人過莫慮行軍苦華  
夷道正和

田氏南樓對月

主人同露坐明月在高臺咽々陰虫叫蕭々寒  
鴈來影搖踈木落魄轉曙鍾開幸免丹霞映清  
光溢酒盃

送宗密上人

門前九陌塵石上定中身近放遼天鶴曾南

岳人臘高松葉換雪盡茗芽新一自傳香後名  
山願卜鄰

白鹿原晚望

澹曲鴈飛下秦原人葬回丘墳與城闕草樹共  
塵埃

失意書懷呈知己

直道何由啓聖君非才誰敢議論文心存黃籙  
兼丹訣家憶青山與白雲麋鹿幽栖閑可近鴛  
鸞高舉勢宜分微生不學劉琨輩劒刃相交擬

立勳

春日尋澹川王處士

碧草徑微斷白雲扉晚開罷琴松韻發鑿水月  
光來宿鳥排花動樵童澆竹迴與君同露坐澗  
石拂青苔



